



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Administrativna komisija
Broj: 01/7-011-256/00
Sarajevo, 6.11.2000. god.

Z A P I S N I K

sa 8. sjednice Administrativne komisije Predstavničkog doma,
održane 3. novembra 2000.godine

Sjednica je počela radom u 10 sati.

Sjednici su prisustvovali: Mustafa Pamuk, Pero Skopljak, Desanka Rađević, Ivo Lozančić, Ana Havel, Suada Muminagić i Vedran Hadžović, sekretar zajedničke službe.

Vito Rakić i Nikola Špirić su opravdali izostanak.

Mustafa Pamuk, predsjednik Komisije predložio je dnevni red, koji je jednoglasno usvojen i to:

1. Davanje saglasnosti na Pravilnik o unutarnjoj organizaciji Tajništva Parlamentarne skupštine Bosne i Hercegovine
2. Razno
 - Odluka o isplati sredstava za zimnicu i ogrijev
 - Odluka o izmjeni Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine
 - Odluka o izmjeni Odluka o načinu obračuna plaća i ostalih materijalnih prava zaposlenih u Parlamentarnoj skupštini Bosne i Hercegovine

Ad. 1.

Na prijedlog predsjednika Komisije, uvodne napomene dao je Vedran Hadžović. Istaknuo je da se radi o prijedlogu koji u sebi sadrži mnogo novih rješenja kojima se uspostavljaju odnosi u Sekretarijatu, zasnovani na zakonskim i normativnim aktima kojima se uređuju odnosi u javnim službama, (potpuna odgovornost državnog službenika, hijerarhijski odnos, transparentnost pri zapošljavanju, profesionalnost, stručnost i dr.).

U raspravi su sudjelovali Mustafa Pamuk, Ana Havel, Suada Muminagić, Desanka Rađević, Pero Skopljak, Ivo Lozančić i Vedran Hadžović.